



Broj predmeta: 13-002869/20
Broj akta: 01.1-1413EK-0019/21
Datum, 15.1.2021. godine
Mjesto, Brčko

Na osnovu člana 17. stav (2) Zakona o Vladi Brčko distrikta BiH («Službeni glasnik Brčko distrikta BiH», broj: 22/18– prečišćeni tekst, 49/18, 08/19, 10/19 i 32/19), u skladu sa članom 69. Zakona o javnim nabavkama («Službeni glasnik BiH», broj 39/14), Zapisnika o pregledu i ocjeni ponuda broj: 13-002869/20 od 25.11.2020. godine, Izmjene zapisnika o pregledu i ocjeni ponuda, sa preporukom Komisije, broj: 13-002869/20 od 13.01.2021.godine, gradonačelnik Brčko distrikta BiH d o n o s i

ODLUKU O PONIŠTENJU **POSTUPKA JAVNE NABAVKE**

Član 1

Poništava se otvoreni postupak za nabavku usluga štampanja Službenog glasnika Brčko distrikta BiH za potrebe Skupštine Brčko distrikta BiH, koji je proveden na osnovu Odluke o pokretanju postupka javne nabavke broj: 02.1-13-1081/20 od 30.09.2020. godine, Obavještenja o nabavci broj: 1157-1-2-647-3-547/20 objavljenim dana 07.10.2020. godine, zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke, što prema čl. 69. stav (3) Zakona o javnim nabavkama predstavlja osnov za poništenje postupka izbora najpovoljnijeg ponuđača.

Član 2.

Stavlja se van snage Odluka o izboru najpovoljnijeg ponuđača broj: 13-002869/20, broj akta: 01.1-1149AD-0013/20 od 04.12.2020. godine.

Obrazloženje:

U postupku javne nabavke usluga štampanja Službenog glasnika Brčko distrikta BiH za potrebe Skupštine Brčko distrikta BiH dostavljeno je sedam ponuda, sljedećih ponuđača: “Tang Art” s.p. Brčko, “Grafičar” s.p. Doboj, “Eurografika” d.o.o. Zvornik, JP “Službeni list Bosne i Hercegovine”, “Kopikomerc” d.o.o. Istočno Sarajevo, “Alcoop” d.o.o. Brčko i “Misija” d.o.o. Brčko. Odlukom o izboru najpovoljnijeg ponuđača broj: 13-002869/20 od 04.12.2020. godine, a na osnovu preporuke Komisije za javne nabavke, ponuđač „Misija“ d.o.o. Brčko je bio izabran kao najpovoljniji ponuđač za navedeni postupak. Nakon što su ponuđači obaviješteni o rezultatima postupka, ponuđač je imao 7 dana rok za dostavu kvalifikacione dokumentacije, ali ponuđač nije u navedenom roku dostavio kvalifikacionu dokumentaciju. Nakon toga ugovorni organ je uputio zahtjev za izjašnjenje drugorangiranom ponuđaču u kojem je od istog traženo da se izjasni da li će kao drugorangirani ponuđač potpisati okvirni sporazum i izvršiti usluge u skladu sa tenderskom dokumentacijom i cijenom koja je izlicitirana u e-aukciji. Međutim, drugorangirani ponuđač „Grafičar“ s.p. Doboj je dana 13.01.2021. godine dostavio dopis u kojem navodi da odustaje od svoje ponude zbog promijenjenih okolnosti izazvanih pandemijom korona virusa. Nakon što je drugorangirani ponuđač odbio potpisati okvirni sporazum Komisija je izvršila analizu ponuda nakon e-aukcije i utvrdila da je nakon drugorangiranog ponuđača, čak četiri ponuđača ponudilo istu cijenu, te da se iz tog razloga okvirni sporazum ne može ponuditi trećerangiranom ponuđaču. Obzirom na navedeno Komisija je ustanovila da postupak javne nabavke treba poništiti zbog identičnih cijena koje su ponudili ponuđači te je dala preporuku o

poništenju postupka javne nabavke u skladu sa odredbama člana. 69. stav (3) Zakona o javnim nabavkama, a Odluka o izboru najpovoljnijeg ponuđača broj: 13-002869/20 od 04.12.2020. godine je stavljena van snage. Sastavni dio ove Odluke čini Zapisnik o pregledu i ocjeni ponuda, kao i Izmjena zapisnika o pregledu i ocjeni ponuda.

Član 2.

Odluka o poništenju postupka izbora najpovoljnijeg ponuđača stupa na snagu danom donošenja.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjeljenju za javne nabavke,
2. Ponuđačima,
3. Skupštini,
4. Gradonačelniku,
5. Zamjeniku gradonačelnika,
6. «Službenom glasniku Brčko distrikta BiH»,
7. Arhivi.

